



Terenga 3: Hōtaka 02 - Whakaaro Māori (1)

E te hunga e iri mārō nei te manawa ki te reo Māori, nau mai, haere mai ki te papa o Ako. He terenga hou, he hangarau hou, he kanohi hou, engari ko taua kaupapa tonu rā, ko te hāpai i te reo ki runga kia ora ai tēnei kura puiaki.

Hei Mahi Whakarongo

Māringanui i whakaae mai a Raukatauri kia whakamahia e tātou ētehi tīpakonga o te hōtaka o Whakataukī hei mahi whakarongo mā tātou. I te rā nei ka rongo tātou ki ngā kōrero a te wahine i raru i ana mihi Māori ki te hunga i waea mai ki tana wāhi mahi. Nāna e māori noa iho nei te rangona o te 'kia ora' i ngā tari kāwanatanga, i te pouaka whakaata me ētehi pakihi anō hoki i Aotearoa. Nā Naida Glavish tērā huarahi i para. Anei ngā pātai hei whakautu mā koutou:

- 1) He aha ngā mea i kohia ai e ngā wāhine me ngā tamariki
- 2) Nōnahea i kohia ai aua kai?
- 3) He aha i panoni ai te whakataukī?

He Whakamārama

Tirohia ēnei taura e whai ake nei. Ko tēhea te tohutohu?

1. I haria ngā kamupūtu.
2. Haria ngā kamupūtu.

Mena koe i whakaaro ake ko te mea tuarua te tohutohu, kei te tika tāu! E noho ana tēnei rerenga hei tohutohu i te mea ko te kupu tuatahi i roto i te rerenga, he kupu hāngū.

Ka kite koe i roto i te hanga o te taura tuarua o runga ake nei, kāore he kaimahi. Kāore hoki he take kia āta kōrerohia te kaimahi i ngā rerehāngū katoa, engari mena e hiahia ana koe ki te whakauru i te kaimahi, anei te āhua o te rerenga:

2. Haria e koe ngā kamupūtu.

Hei Mahi

Whakamāorihia ēnei rerenga.

1. Wash the the tea-towels in a basin.
2. Take your hat off the table.
3. Make a cup of tea.
4. Write down the name of that guy.
5. Turn off the lights.

He Whakautu:

1. Horoia ngā tī taora ki rō koko.
2. Tangohia tō potae i te tēpu.
3. Mahia he kapu tī mā tāua.
4. Tuhia te ingoa o te māori rā. *Rangahaua te rerekē o te tikanga o te kupu 'māori' me te kupu 'Māori'.
5. Whakawetohia ngā rama.